

十三經

十

三

經

春秋左傳注疏卷四十九

晉杜氏注 唐陸德明音義 孔穎達疏

經二十年春王正月

夏曹公孫會自鄭出奔宋。無傳。嘗有玉帛之使。來告

故書鄭曹邑。

音義

鄭莫公反。一音亡增反。字林音夢。案夢字。字林亡忠反。使所吏反。

疏

正義曰。宣十年傳例曰。凡諸侯之大夫違。告於諸侯

曰。某氏之守臣某。失守宗廟。敢告。所有玉帛之使者。則

告。不然。則否。注云。玉帛之使。謂聘。恩好不接。故不告。如

杜之意。此為奔者之身。嘗有玉帛之使。於彼國。已經相

接。則告。若奔者未嘗往聘。恩好不接。則不告。唯告奔者

嘗聘之國。餘不告也。曹會曾來聘魯。故云嘗有玉帛之

使。來告。故書也。此與二十二年。宋華亥向寧華定自宋

南里出奔楚。其文正同。彼華亥等入南里以叛。又從南

里出奔。則此亦應然。賈逵云。前此以鄭叛也。叛便從鄭

而出。叛不告。故不書。是言既以鄭叛。又從鄭而出也。南

里繫宋。此鄭不繫曹者。鄭是大都。得以名通。南里是宋都之里。非別邑。故繫於宋。此鄭及定十一年蕭皆是別邑。故不繫國也。曹是小國。其臣書名者少。此會書名。蓋備於禮。成爲卿也。釋例曰。小國之卿。或命而禮儀不備。或未加命數。故不書之。邾卑我之等。其奔亡亦多。所書唯數人而已。知其合制者少也。杜言數人。謂此公孫會與邾快邾卑我也。是杜意以會備禮成卿。故書名也。劉炫云。春秋未嘗書曹人來聘。非徒會不見經。炫謂玉帛之使。謂國家所有交好。皆告之。非奔者之身嘗聘也。今賈又云。所以華亥向寧射姑等。不見有玉帛來聘者。以其時未爲卿也。

秋盜殺衛侯之兄縶。

注

齊豹作而不義。故書曰盜。所謂

求名而不得。

疏

正義曰。襄十年鄭尉止司

注

臣等殺子駟子國。書曰盜殺

鄭公子駢公子發。尉止之徒皆士。書之爲盜。釋例曰。士殺大夫。則書曰盜。則此書盜。賊之使同於士也。三十一年傳說春秋褒貶之義云。或求名而不得。或欲蓋而名。鄭懲不義也。齊豹爲衛司寇。守嗣大夫。作而不義。其書

焉盜。又曰春秋書齊豹曰盜。懲不義也。宣十七年傳例曰。凡稱弟。皆母弟。公羊傳曰。母兄稱兄。此繫與衛侯同母。故稱兄。

冬十月。宋華亥向寧華定出奔陳。**注**與君爭而出。皆書名惡之。**音義**華。戶化反。爭。爭鬪之爭。惡。烏路反。

十有一月辛卯。蔡侯廬卒。**注**無傳。未同盟而赴以名。**音**

義廬。力烏反。本又作廬。力於反。

傳二十年春王二月己丑日南至。**注**是歲朔旦冬至

之歲也。當言正月己丑朔日南至。時史失閏。閏更在

二月後。故經因史而書正月。傳更具於二月記南至

日。以正歷也。

疏**注**正義曰。歷法十九年為一章。章首之歲。必周之正月朔旦冬至。僖五年

正月辛亥朔日南至。是章首之歲年也。計僖五年至
往年。合一百三十三年。是爲七章。今年復爲章首。故
云是歲朔旦冬至之歲也。朔旦冬至。謂正月之朔。當
言正月己丑朔日南至。今傳乃云二月己丑日南至。
是錯名正月爲二月也。歷之正法。往年十二月後。宜
置閏月。卽此年正月。當是往年閏月。此年二月。乃
正月。故朔日己丑日南至也。時史失閏。往年錯不置
閏。閏更在二月之後。傳於八月之下。乃云閏月戊辰
殺宣姜。是閏在二月後也。不言在八月後。而云在二
月後者。以正月之前當置閏。二月之後。卽不可。故據
二月言之。時史謂閏月爲正月。故經因史而書正月。
從其誤而書之。傳以經之正月。實非正月。更具於二
月。記南至之日。以正歷之失也。日南至者。謂冬至也。
冬至者。周之正月之中氣。歷法閏月無中氣。中氣必
在前月之內。時史誤以閏月爲正月。而置冬至於二
月之朔。旣不曉歷數。故閏月之與冬至。悉皆錯也。杜
下注云。時魯侯不行登臺之禮。使梓慎望氣。是杜意
以爲時魯之君臣。知此己丑是冬至之日。但不知其
不合在二月耳。服虔云。梓慎知失閏。二月冬至。故獨
以二月望氣。則服虔意以爲當時魯人置冬至於正月。

之內。獨梓慎知二月己丑是。梓慎望氛。**注**氛氣也。時

真冬至耳。其義或當然也。魯侯不行登臺之禮。使梓慎望氛。**音義**氛芳云反。曰。今茲

宋有亂。國幾亡。二年而後弭。蔡有大喪。**注**為宋華向

出奔蔡。侯卒傳。**音義**幾音祈。又音機。弭。彌爾反。叔孫昭子曰。然則

戴桓也。**音義**戴族華氏。桓族向氏。汰侈無禮已甚。亂所

在也。**音義**傳言妖由人興。**音義**汰音泰。○費無極言於楚

子曰。建與伍奢將以方城之外叛。自以為猶宋鄭也。

齊晉又交輔之。將以害楚。其事集矣。王信之。問伍奢。

伍奢對曰。君一過多矣。**音義**一過。納建妻。何信於讒。王

執伍奢。**音義**忿奢切言。使城父司馬奮揚殺太子。未至

而使遣之。

注

知大子冤故遣令去。

音義

奮方問反。冤於元反。令方。

^呈反。

三月大子建奔宋。王召奮揚。奮揚使城父人執已

以至。

注

正義曰。服虔云。城父人。城父大夫也。

王曰。言出於余口。入於爾

耳。誰告建也。對曰。臣告之。君王命臣曰。事建如事余。

臣不佞。

注

佞才也。不能苟貳。奉初以還。

注

奉初命以

周旋。不忍後命。故遣之。既而悔之。亦無及已。王曰。而

敢來何也。對曰。使而失命。召而不來。是再奸也。

注

奸

犯也。

音義

使而所吏反。又如字。奸音干。

逃無所入。王曰。歸從政如

他日。

注

善其言。令使還。

音義

還音環。下還豹同。

無極曰。奢之

子材。若在吳。必憂楚國。盍以免其父召之。彼仁。必來。

不然將為患。王使召之曰：來。吾免而父棠君尚謂其

弟員。**注**棠君奢之長子尚也。為棠邑大夫。員尚弟子

胥。**音義**蓋戶臘反。棠君尚君或作尹。員音云長。丁丈反。曰：爾適吳。我將歸死。

吾知不逮。**注**自以知不及員。**音義**知音智。注及下知也。同。一音如字。逮。

音代。一音大計反。我能死。爾能報。聞免父之命。不可以莫之

奔也。親戚為戮。不可以莫之報也。奔死免父。孝也。度

功而行。仁也。**注**仁者貴成功。**音義**度待洛反。擇任而往。知

也。**注**員任報讐。**音義**任音王。注同。知死不辟。勇也。**注**尚為

勇。父不可棄。**注**俱去為棄父。名不可廢。**注**俱死為廢

名。爾其勉之。相從為愈。**注**愈差也。**音義**差初賣反。**疏**正義曰。勉。

謂努力。爾其勉之。令勉力報讐。比於相從俱死為愈也。病差謂之愈。言其勝共死也。服虔云。相從愈於共死。則服意相從。使員從其言也。語法。兩人交互。乃得稱相。獨使員從已語。不得為相從也。伍尚歸。

奢聞員不來。曰。楚君大夫其肝食乎。**注**將有吳憂不

得早食。**音義**肝古旦反楚人皆殺之。員如吳。言伐楚之利

於州于。**注**州于吳子僚。**音義**僚力彫反公子光曰。是宗為

戮而欲反其讐。不可從也。**注**光吳公子闔廬也。反復

也。員曰。彼將有他志。**注**光欲殺僚。不利員用事。故破

其議。而員亦知之。余姑為之求士。而鄙以待之。**注**計

未得用。故進勇士。以求入於光。退居邊鄙。**音義**姑為

反。乃見鱗設諸焉。**注**鱗諸勇士。**音義**見賢遍反。鱗音專。

曰見謂為之紹介使之見光下文齊豹見宗魯於公孟亦然猶論語云門人見之也而耕於鄙

注為二十七年吳弑僚傳弑申志反宋元公無信

多私而惡華向華定華亥與向寧謀曰亡愈於死先

諸**注**恐元公殺已欲先作亂惡音烏路反華亥偽有

疾以誘羣公子公子問之則執之夏六月丙申殺公

子寅公子御戎公子朱公子固公孫援公孫丁拘向

勝向行於其廩**注**八子皆公黨御魚呂反又如字援于眷反拘

九于反廩力甚反公如華氏請焉弗許遂劫之**注**劫公正

曰公未知諸人已死故猶往請之癸卯取太子樂與母弟辰公子地

以為質**注**樂景公也辰及地皆元公弟樂力官反質音

致下同。辰及地。皆元公弟。案公子辰。是景公之母弟。地是辰兄。皆當為元公之子。今注皆作元公弟。誤耳。

疏

注

正義曰。定十年。經書宋公之弟辰。當景公之世。辰及地。不得為元公弟也。世族譜。辰地皆云元公

弟。當時傳寫誤耳。公亦取華亥之子無惑。向寧之

子羅。華定之子啓。與華氏盟。以為質。**注**為此冬華向

出奔傳。

音義

感于歷反。

○衛公孟縶狎齊豹。**注**公孟靈公

兄也。齊豹。齊惡之子。為衛司寇。狎。輕也。**音義**狎。戶甲反。奪

之司寇與鄆。

注

鄆。豹邑。

音義

鄆。音絹。

有役則反之。無則

取之。

注

縶足不良。故有役則以官邑還豹使行。公孟

惡北宮喜褚師圃。欲去之。

注

喜。貞子。

音義

惡。烏路反。褚。中呂反。

圃。布五反。去。起呂反。

公子朝通于襄夫人宣姜。

注

宣姜。靈公嫡

母。**音義**朝如字。嫡丁歷。懼而欲以作亂。故齊豹北宮。

喜褚師圃。公子朝作亂。初齊豹見宗魯於公孟。**音義**薦

達也。**音義**見賢。遍反。為驂乘焉。**音義**為公孟驂乘。驂七

乘。繩證反。注及下驂乘與。將作亂而謂之曰公孟之

不善。子所知也。勿與乘。吾將殺之。對曰。吾由子事公

孟。子假吾名焉。故不吾遠也。**音義**言子借我以善名。故

公孟親近我。**音義**與音預。又如字。遠于萬反。雖其不

善。吾亦知之。抑以利故。不能去。是吾過也。今聞難而

逃。是僭子也。**音義**使子言不信也。**音義**難乃旦反。子行

事乎。吾將死之。以周事子。**音義**周猶終竟也。**疏**正義曰。杜意

終不泄子言。是終事。而歸死於公孟。其可也。丙辰。衛

侯在平壽。

平

平壽。衛下邑。公孟有事於蓋。獲之門外。

田

有事祭也。蓋。獲。衛郭門。齊子氏帷於門外而伏甲。

焉。

田

齊豹之家。使祝鼃寘戈於車薪以當門。

田

要其

前也。

音義

鼃。烏。娒反。寘。之。鼓反。要。一遙反。

使一乘從公孟以出。

田

亦

如前車寘戈於薪。尋其後。

音義

從。如字。又才用反。

使華齊御。

公孟。宗魯驂乘。及閔中。

田

閔。曲門中。

音義

華。戶化反。下同。閔。音

宏。

田

正義曰。諸本皆華。上有使字。計華齊是公孟之

字。學者以上文有使祝鼃。使一乘。下有使華寅乘貳

車。使華寅執蓋。以此妄加使字。今定本有使。非也。

齊氏用戈擊公孟。宗魯以背蔽之。斷肱。以中公孟之

肩皆殺之。公聞亂，乘驅自閤門入慶比御公。公南楚

驂乘使華寅乘貳車。

注公副車。

音義

斷丁管反。肱古弘反。中丁仲反。

丁中南楚同。乘驅如字。又繩證反。閱音悅。比如字。又毗志反。

疏

正義曰。乘驅者。乘車而疾驅也。閱門

者。衛城門。蓋偏側之門。其路遠齊氏。及公宮。鴻駟駟乘于公。

注

鴻駟

復就公乘。一車四人。

音義

駟音留。駟徒回反。復扶又反。

公載寶以

出。褚師子申遇公于馬路之衢。遂從。

注

從公出。

音義

衢其俱反。從才用反。注及下注同。

過齊氏使華寅肉袒執蓋以當其

闕。

注

肉袒示不敢與齊氏爭。執蓋蔽公而去。闕空也。

以蓋當侍從空闕之處。

音義

袒徒旱反。爭爭鬪之爭。處昌慮反。

齊氏

射公中南楚之背。公遂出。寅閉郭門。

注

不欲令追者

出。

音義 射食亦反。今之圭反。

踰而從公。

注

踰郭出。

音義

從才用反。又如

字。下從公同。

公如死鳥。

注

死鳥。衛地。析朱鉏宵從竇出。徒

行從公。

注

朱鉏。成子。黑背孫。

音義

析。星曆反。鉏。仕居反。竇。音豆。

齊

侯使公孫青聘于衛。

注

青。頃公之孫。

音義

頃。音傾。

既出。

聞衛亂。使請所聘。公曰。猶在竟內。則衛君也。乃將事

焉。

注 將事。行聘事。

音義

竟。音境。

遂從諸死鳥。請將事。辭

曰。亡人不佞。失守社稷。越在草莽。吾子無所辱君命。

賓曰。寡君命下臣於朝。曰。阿下執事。

注

阿。比也。命已

使比衛臣下。

音義

莽。莫湯反。

臣不敢貳。

注

貳。違命也。主人

曰。君若惠顧先君之好。昭臨敝邑。鎮撫其社稷。則有

宗祧在

注言受聘當在宗廟也。

音義

好呼報反。乃止

祧他彫反。

注

止不行聘事。衛侯固請見之。

注

欲與青相見。不獲

命。以其良馬見。

注

以為相見之禮。

音義

馬見。賢遍反。下注客禮見。

同。

為未致使故也。

注

未致使。故不敢以客禮見。

音義

為于偽反。使

注

正義曰。客禮見者。若已致君命。則所吏反。注同。享有庭實。復有私覲。私面之禮。今為

未致使。故但

以良馬見也。衛侯以為乘馬。

注

喜其敬已。故貴其物。

音義

乘繩證反。又如字。

賓將擗。

注

擗。行夜。

音義

擗。側九反。又祖侯反。行。下

孟

注

正義曰。下文終夕與於燎。故知擗是行。主人反。說文云。擗。夜戒。有所擊也。從手取聲。主人

辭曰。亡人之憂。不可以及吾子。草莽之中。不足以辱

從者。敢辭。賓曰。寡君之下臣。君之牧圉也。若不獲扞